

Република Сербия – Автономна Покраїна Войводина
**ПОКРАЇНСКИ СЕКРЕТАРИЯТ
ЗА ОБРАЗОВАНЄ, УПРАВУ И НАЦИОНАЛНИ ЗАЄДНІЦИ**

21000 НОВИ САД
Булевар Михайла Пупина 16
Тел.: +381 21 487 46 06

Число: 90-00626/2011 Дня: 24.05.2011. року

На основи члена 6. Одлуки о розподзельованю бюджетних средствох Покраїнского секретариату за образованє, управу и национални заєдніци, органом и организациейом у чией ше роботи службено хаснує язики и писма националних меншинох, Покраїнски секретариат за образованє, управу и национални заєдніци
р о з п и с у є

К О Н К У Р С

**за розподзельованє бюджетних средствох органом и организациейом
у Автономней Покраїни Войводина у чией ше роботи службено
хаснує язики и писма националних меншинох за 2011. рок**

Средства у суми 6.650.000,00 (зоз буквами: шейсцмилионишейсцстопейдзешаттисячи) динари ше будзе хасновац за софинансованє проектох чий циль унапредзованє права хасновац язики и писма националних меншинох у Автономней Покраїни Войводина.

Право участвовац на конкурсу маю:

- органи општинох и городов на території Автономней Покраїни Войводина у хторих зоз Статутом утвєрдзене службено хасновац язики и писма националних меншинох на цалей території општини або городу або населених местох на їх території;
- месни самоуправи на території општинох и городов зоз предходней алинеї;
- други органи, организациї, служби и установи на території општинох и городов зоз алинеї єден.

Средства ше додзелює за финансованє, односно участвованє у финансованю:

- оспособйованя занятих у органах и организацийох дзе хасную язык националней меншини хтори утвєрдзени як службени язык, а окреме на роботних местох на хторих ше витворює контакт зоз странками (участвованє на курсох, семинарох и други способи яки организовани за

- тоти наменки) и за розвой системи електронскей управи за роботу у условийох вецейязичносци;
- трошкох виробку и поставяня таблох з назвами органох и организацийох, з назву населеного места на драгох, з назву улїцох и площох хтори написани и на языках националних меншинох хтори ше службено хаснуе у општини, городзе и населеним месце и за друковане двоязичних або вецейязичних формуларох як и за друковане службених глашнікох и других явних публикацийох.

Висину средствох за розподзельоване ше утвєрдзуе на основи шлїдуючих критерийох:

- число языкох и писмох хтори ше службено хаснуе на цалей території општини, городу и населеного места;
- процентуалне участвоване припаднікох националних меншинох чийо ше языки и писма службено хаснуе у вкупним чишле жительствова;
- вкупни материални трошки яки потребни за реализацию проектох;
- постояне других жридлох финансования проектох;
- континуитет у финансowaniu проектох з боку Секретарияту, односно чи ше средства вимага перши раз.

Тєрмин за подношенє приявох тирва по 30. юний 2011. року.

Прияви ше подноши лєм на конкурсных формуларох Секретарияту. Комплетну конкурсну документацию мож превжац у просторийох Секретарияту, або на интернет-адреси: www.puma.vojvodina.gov.rs.

Прияви на конкурс ше подноши на сербским языку або на языку националней меншини хтори ше службено хаснуе у Автономней Покраїни Войводини.

Прияви ше подноши особне, зоз придаваньом на писарніци покраїнских органох управи у Новим Садзе (будинок Влади АП Войводини, або ше их посла по пошти на адресу: Покраїнски секретарият за образоване, управу и национални заєдніци, Булевар Михайла Пупина 16, 21000 Нови Сад.

Прияви на конкурс ше доручуе у двох прикладнікох з двома виявами хтори оверела и подписала овласцена особа подношителя прияви, кед ше конкуруе по єдней основи; кед ше источашне конкуруе и по другой основи, и за тоти потреби ше доручуе два прикладніки приявох на конкурс з виявами.

Неблагочасни або неподполни прияви ше не будзе розпатрац, а недостаток по указованю не одстранени, або кед ше не одноша на наменки яки предвидзени зоз конкурсом або кед их поднесли неовласцени особи.

Хаснователь ше обовязуе же одобрени средства похаснуе лєм за наменки за хтори вони додзелени, а непотрошени средства вирмански враци бюджету на одвитууюцу позицию Покраїнского секретарияту за образоване, управу и национални заєдніци. Хаснователь ше обовязуе же о трошеню додзелених средствох такой поднесе звит, а найпознейше по кєнец рока.

Покраїнски секретарят за образование, управу и национални заедници затримує право од подношителя прияви, по потреби, вимагац додатну документацию, односно сполньованє додатних условийох, або висц на саме место. Прияви и приложену документацию подношительом ше не враца.

Резултати конкурсу ше обявює на урядовой интернет-адреси Секретарияту. Секретарят не обовязни обгрунтовац свойо одлуки. На одлуку Секретарияту не мож уложиц жалбу або даяки други правни лік.

Покраїнски секретар,

Мр Андор Дели, с.р.